



贈正四位周布政之助君碑銘





贈正四位周布政之助君碑銘

074
247
五
冊



周布君既卒之二十八年

今上追褒其忠 勅贈正四位

皇后亦聞其夫人老而寡居賜以縮緬一疋金百圓蓋

聖明在上恩及枯骨固其所也然而非有赤心報國沒世

不磨之功何以能致此乎哉君世藉長藩年二十五為檢

使遷國費都講藩主忠正公知其大器可用擢為政務役

嘉永中祇役江戶會米國軍艦駛入浦賀幕府大駭命諸

藩備要衝我兵出守大森鎧仗鮮麗旗幟精明人驚歎其

有備尋戍相模及兵庫亦有聲譽是皆君在內規畫之也

初米艦之請互市也幕府依違不知所對問策列侯君勸

明治元年十月二十日

河内才三寄贈

6725

公建議拒絕外請幕議不納假結條約露蘭英佛相踵而至皆依米國例而非朝廷之意也安政戊午春幕府使堀田閣老入奏請締約不聽乃謀更遣問部閣老却制公卿以得裁可中外紛紜禍難且不測

先帝憂之使鷹司右大臣正親町三條中納言傳密旨於公竊有所依賴焉公感激欲遣使奏事頗難其人君乃請自往謁右大臣及中納言君名遂達天聽使中納言引見之禁中君代公口陳意見曰對外之策無論和戰在邦內一致禦侮而今幕議背朝旨何以能制大敵乎臣請周旋於朝幕之間協和謀事則內治可求外侮可禦萬一有如此外夷陸梁入寇則帥大兵防衛輦下有如

幕吏驕傲不臣釀成內亂則舉藩以勤王家而已矣願勿勞聖慮奏入再使中納言垂問時務君條列數事言極剴切奏對稱旨賜物遣歸歸則說公貢土宜以助供御不瞻朝眷益隆君又勸公更張藩政修文講武極力洗除恬瀝之弊習一藩大振文久辛酉公詣江戶親說閣老勸大將軍家茂朝覲壬戌春君應召赴江戶參其謀議六月公發江戶朝京師君措置後事而後西上方是時幕吏苟且偷安外侮日甚君深慨之專唱尊王攘夷之說八月世子奉勅至江戶君從之歷說閣老及春岳容堂二侯使幕府遵奉朝旨且促大將軍入覲爲之留半歲此冬有故變姓名稱麻田公輔癸亥正月入京師輔世子專

策尊攘之事三月大將軍家茂入覲改舊例興廢典及
車駕幸加茂社躬率侯伯從焉於是公又建議置親兵首
貢壯士一隊尋獻金壹萬兩以表歸兵權復朝貢之意
蓋亦出君之贊畫也四月大將軍奉勅班膺懲令於海
內世子告暇就國君先驅而歸傳檄擊外艦於赤間關公
進君表番頭格以政務役兼藏元役專任軍國政方是時
列藩傍觀不敢援幕府亦偷安忌戰屢詰輕舉啓釁公抗
議再三益修守備七月公上言請親征車駕發有日
矣幕吏大懼與會薩二藩謀奏黜廷臣用事者解我兵宿
衛三條中納言等七人西奔投我幕府又奏褫七人官位
禁我公父子入朝於是藩士忌君者爭起咎之君欲應

變畫策馳抵大阪而勢不可復爲將引決會公遣使懇諭
召還乃感泣曰臣猶未可死耶遂復舊職專以雪君冤回
朝眷爲己任勸公使老臣齎奉勅始末東上訴冤而
內抑藩士忠憤之激發外求同志諸侯之援助畫策頗苦
旣而擁蔽愈深誠意不達士衆憤惋激昂欲迫闕下清
君側君止之不可相率走近畿遂有禁門之變幕府
將興師問罪而英佛米蘭四國連艦來寇戍兵拒之不利
遂假講和先是高杉晉作下獄君平生愛其爲人竊往訪
之爲有司所摘發獲罪屏居公以內外危急復起君奮
應命日夜鞠躬忘寢食遂與老臣清水清太郎俱往岩國
說吉川經幹委以善後策而請躬抵東師軍門以死雪君

寃公不聽召還之歸則黨論沸騰勢焰甚盛君慨然仰天
嘆曰我可死矣器小任大以覆公餗其罪無所逃遂絕食
數日上書而自刎實元治甲子秋九月二十六日也臨死
作遺書勗其子以忠孝大節且曰汝埋我屍於孔道傍敵
兵來侵我顯吾靈叱咤却之乃葬之山口城南矢原村後
公追賞其勤勞賜香火資若干 朝廷又合祀之靖國神
社嗚呼君業雖不卒異日同志者除姦黨定藩議輔公樹
中興偉業而反始溯源君力居多焉可謂俊傑之士矣君
諱兼翼字公輔稱政之助號瘦梅又麻田系出自大織冠
藤原鎌足之裔大納言國兼國兼五世孫御神本佐兵衛
佐兼定食石州那賀郡周布鄉因氏焉兼定十六世孫有

長次者其第五子權之助就房仕毛利大照公食祿百五
十石是爲君七世祖祖考諱國包祖妣兒玉氏考諱兼正
妣村田氏君以文政癸未三月二十三日生於萩城私第
幼失所怙母氏賢教以義方君亦有至性受褒數次及長
讀書演武尤崇尚節義爲人嚴明方質見者憚之然胸宇
瀟灑能容衆中年嗜酒醉則頽倒鼾睡如雷就告以公事
應聲起坐指畫如常嘗在江戶邸論事連七晝夜毫無倦
色人服其精力卒年僅四十有二有遺稿若干卷初娶世
木氏生一女而去女尋殤繼娶小泉氏生一男名明克出
嗣繁澤氏小泉氏歿娶粟屋氏又生一男名金槌後改公
平今爲兵庫縣知事叙正四位勳三等二女並適人今茲

丙申當三十三回忌辰孝子公平與親族故舊相議爲君
建碑乞銘於予予曾受君誘掖致力國事而君歿之前夜
予亦遭難幸免老健至今回想往時不堪感愴揮淚爲之
銘銘曰

外患內訌

交勞宸衷

誰克安之

實我藩公

藩公忠誠

誓掃妖氛

誰克贊之

實我周君

一言動天

天心維賴

王政復古

經畫汔濟

咄彼群小

內外讒毀

一藩柱石

齋志就死

天運循環

日月再明

同志繼起

中興業成

藩公功烈

世莫與京

夙志斯達

君亦可瞑

天子思始

贈位褒旌

屹斯大碣

永表忠貞


明治二十九年九月

從一位勳一等公爵毛利元德篆額

從二位勳一等伯爵井上馨撰

正三位勳二等野村素介書

卷之二
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百







Y289

Su19



山口県立山口図書館



00248413-7